



SIARAN MEDIA **PERBADANAN TABUNG PENDIDIKAN TINGGI NASIONAL (PTPTN)**

“PTPTN PRIHATIN RINGANKAN BEBAN MELALUI SSPN-i PLUS”

1. **Besut, Terengganu, 29 Januari 2017** - PTPTN telah mengunjungi dan menziarahi waris Allahyarhamah Masni binti Ngah @ Mohd Jaiz, 44 tahun iaitu mangsa tragedi gelombang kedua banjir di Pantai Timur pada 22 Januari 2017 yang merupakan pendeposit SSPN-i Plus. Semasa kunjungan ini, PTPTN telah menyerahkan pengesahan pemberian manfaat perlindungan takaful SSPN-i Plus dan khairat kematian kepada suami Allahyarhamah iaitu Ahmad Ruzaizi bin Mahmud, 46 tahun sebagai waris bertempat di kediaman mereka di Kampung Gong Kepas Dalam.
2. **Penyerahan dibuat oleh YB Dato' Seri Idris bin Jusoh, Menteri Pendidikan Tinggi merangkap Ahli Parlimen Besut.** Turut hadir YBrs. Encik Wan Ahmad bin Wan Yusoff, Ketua Eksekutif PTPTN, Encik Abdul Ghaffar bin Yusop, Pengurus Besar Kanan, Jabatan Pemasaran dan Komunikasi Strategik, Encik Yassir Azlin bin Abdul Ghafar, Pengurus Besar, Pembangunan Perniagaan, Hong Leong MSIG Takaful serta Puan Azizah binti Nasik @ Abd Rashid, Pengurus Besar Negeri, Pejabat PTPTN Terengganu.
3. Allahyarhamah merupakan **pendeposit SSPN-i Plus yang telah membuka akaun SSPN-i Plus di bawah Pakej Intan dengan hanya RM30.00 sebulan (RM1 Sehari).** Bagi memastikan masa depan pendidikan anak-anaknya, Allahyarhamah telah membuka **empat (4) akaun SSPN-i Plus mulai April 2016 yang lalu untuk anaknya** iaitu:
 - i. Nursofea Hanim binti Ahmad Ruzaizi (18 tahun);
 - ii. Ahmad Aiman Asyraf bin Ahmad Ruzaizi (16 tahun);
 - iii. Ahmad Adib Irfan bin Ahmad Ruzaizi (13 Tahun); dan
 - iv. Ahmad Afif Hakimi bin Ahmad Ruzaizi (11 Tahun).

4. Melalui penabungan pendidikan SSPN-i Plus yang dibuat dan tragedi yang melanda, **Allahyarhamah telah dilindungi dengan manfaat perlindungan takaful (kematian akibat kemalangan) sebanyak RM40,000.00 bagi setiap akaun dengan jumlah keseluruhan manfaat diterima sebanyak RM160,000.00.**

5. **Khairat kematian juga diberikan sebanyak RM2,500.00 (kematian pendeposit) bagi setiap akaun dengan jumlah keseluruhan sebanyak RM10,000.00.** Pada masa yang sama waris turut menerima nilai tunai bagi simpanan takaful sebanyak RM9.30 bagi setiap akaun dengan jumlah keseluruhan sebanyak RM37.20.

6. Sehubungan itu, **jumlah keseluruhan manfaat takaful dan khairat kematian serta nilai tunai yang diterima oleh waris kerana Allahyarhamah telah membuat simpanan pendidikan SSPN-i Plus adalah berjumlah RM170,037.20.**

7. **Sejak dilancarkan pada 8 Jun 2015 sehingga 31 Disember 2016,** pembukaan akaun SSPN-i Plus adalah sebanyak **52,615 akaun** dengan jumlah **deposit terkumpul sebanyak RM15.8 juta** (RM19.9 juta termasuk takaful) dan jumlah **manfaat perlindungan takaful sehingga RM2.3 bilion.** Sehingga kini, sebanyak **65 tuntutan** melibatkan pelbagai kes dengan amaun **RM709,840.00 telah berjaya diselesaikan.**

8. **Waris perlu memaklumkan kepada PTPTN sekiranya berlaku kematian atau keilangan kekal menyeluruh** agar PTPTN boleh menguruskan tuntutan dan memberikan **manfaat takaful serta khairat kematian kepada waris sebagaimana yang ditetapkan.** Waris/ penuntut perlu membuat tuntutan dengan melengkapkan **Borang Permohonan Tuntutan Takaful SSPN-i Plus yang boleh diperolehi melalui portal rasmi www.ptptn.gov.my.** Borang beserta dokumen sokongan yang diperlukan hendaklah dikemukakan kepada **Pejabat PTPTN Negeri/ Cawangan yang berhampiran** atau diposkan ke Ibu Pejabat PTPTN, Menara PTPTN, Kuala Lumpur. Senarai pejabat PTPTN boleh diperolehi melalui portal rasmi PTPTN.

9. PTPTN sebagai sebuah Tabung Pendidikan utama negara sentiasa memikirkan kebajikan pendepositnya. Dengan keprihatinan PTPTN ini **mampu membantu meringankan beban yang ditanggung oleh waris dan anak-anak dalam memastikan masa depan pendidikan lebih terjamin walaupun ibu atau bapa (pendeposit) telah meninggal dunia/ keilatan kekal menyeluruh**. Penabungan dan perancangan kewangan merupakan dimensi penting dalam pendidikan tinggi negara bagi **mengurangkan kebergantungan kepada pinjaman pendidikan semata-mata**.
10. Produk SSPN-i Plus menawarkan enam (6) pakej simpanan yang **bukan sahaja untuk simpanan semata-mata, tetapi juga mempunyai perlindungan takaful yang komprehensif, dengan sumbangan premium yang murah**. Keunikan produk ini **bukan hanya terletak pada keistimewaan yang ditawarkan SSPN-i, iaitu pelepasan taksiran cukai pendapatan, dividen yang kompetitif, layak memohon pinjaman PTPTN dan simpanan dijamin Kerajaan, tetapi apa yang lebih menarik adalah manfaat takaful yang akan dinikmati oleh mereka yang membuat tabungan**.
11. Manfaat takaful yang akan dinikmati adalah **manfaat bagi kematian/ ilat kekal menyeluruh akibat kemalangan sehingga RM1 juta, manfaat bagi 36 penyakit kritikal, elaun harian kemasukan hospital sehingga RM200 sehari, khairat kematian kepada pendeposit, pasangan dan maksimum 3 orang anak, perlindungan 24 jam di seluruh negara dan pelan ini tidak memerlukan pemeriksaan kesihatan (hanya perlu menjawab soalan kesihatan bagi mereka yang memilih pakej Berlian)**.